

Za obnovu Ferhadije izdvojeno 300.000 KM

27/05/2009 19:12 by Administrator

Na prijedlog ministra za ljudska prava i izbjeglice BiH Safeta Halilovića, Komisija za izbjeglice i raseljene osobe BiH na posljednjoj je sjednici odobrila 300.000 KM za ponovnu izgradnju u ratu srušene Ferhat-pašine (Ferhadija) džamije u Banjoj Luci. Taj novac bit će izdvojen iz ovogodišnjeg budžeta predviđenog za održivi povratak, koji iznosi osam miliona KM.

Ova finansijska pomoć u obnovi Ferhadije je podstrek procesu povratka i reintegraciji države i društva. Ferhadija džamija u Banjoj Luci, izgrađena 1579. godine, bila je uvrštena u kulturnu baštinu BiH i na listu spomenika Svjetske baštine pri UNESCO-u nulte kategorije. Ta džamija je srušena 7. maja 1993. godine, a 2001. dobijena je urbanistička saglasnost za njenu ponovnu izgradnju. U toku je ponovna izgradnja Ferhadija džamije koja će imati isti izgled kao prije njenog rušenja.

Autor: FENA

Izvor vijesti: Dnevni Avaz